

SIDAAMO Heart Book
Cell phone format

MANCHI WODANA



COPYRIGHT

ISBN 1 - 874934 - 47 - 9

E-MAIL: info@angp.co.za
ALL NATIONS GOSPEL PUBLISHERS
P.O. BOX 2191, PRETORIA, 0001, R.S.A.

(A Gospel Literature Mission financed by donations)
(Reg. No. 1961/001798/08)

**KAALIIQI WOYYO
WOY
SHEEXAANU GALTE AAYYE
(TONNE MISILLANNI XAWISAMANNO)**

Kristyaanu haymaanootenna heeshsho
jawaachchiishatenna dhaawate, Kaaliiqi
maganoonsi'rano halashshate borressamino.

**MANCHI WODANA
KAALIIQI WOYYO WOY SHEEXAANU
GIDO'LE AAYYE (1 Yoh. 3:4-10)**

Cubbo loosannohu baalu Kaaliiqi seera diiganno.
Mayira, cubboho yaa kaaliiqi seera diigate.
Kristoosi mannu cubbo fee hoolara xawo
fulinotanna Isi cubbu xure afi'rinokkita
egentinoonni. Kunnira Kristoosini hee'ranno
manchi baalu cubbo diloosanno. Cubbo
loosannono manchi Kristoosi diafino woy
diegenninosi.

Ooso'ya ballo, ayino dogoonke'ne. Kristoosi
keeraancho ikkino gedenni, Keeraanchimma
assannohu baalu keeraanchoho. Diyabloosi
(sheexaanu) albanni kayise, cubbo loosannohura,

cubbo loosannohu baalu Diyabloosi beettooti. Kaaliqi Beetti xawo fullohuno Diyabloosi looso diigateeti.

Kaaliqi beetto ikkinohuno cubbo diloosanno, loosarano didandaanno. Mayira yiniro, Kaaliqi akati (bifi) giddosi hee'rannohuranna Kaaliqi wiinnino ilaminohuraati. Kaaliqi wiinnino ilaminohuraati. Kaaliqi oosonna Diyabloosi ooso baxxite leellitannohu kune kunninniiti: Keeraanchimma assannokkihunna rodoosi baxannokkihu baalu kaaliqi beetto di'ikkino. (1 Yoh. 3:4-10).

Ate kaaliqi owa ga'naa noohero woy sheexaanu bobbaasi'raa noohero badde layi'ri, Cubbu borojjimmani woy kaaliqi guwaanynyonni noottoro afi'ri. Heeshshokki cubbu okke noohero moroma didandaattona, kayinnilla tenne gobba cubbaataamma gatisatenna sheexaanu mootumma hiiqqate dayinoha Yesus Kristoosi amma'ni, Kaaliqi Maganikkiwa higge raari fayyeessannohena. Yesusi ninke gatisaanchooti. Mannu baalu, Maganu Kaaliqi albaanni assannorichchi tuqunni maaxama dandaannokki heeshsho noosita afa noosi.

“Kaaliqi gobba baala seekke lae, wo’mu wodaninsanni Isinni amma’nitannori baalaho jawaante aannonsa.” (2 Maxaafa Zeena 16:9).

“Kaaliqi mannu ha’rinsho la’anno, Cubbaataamu kaaliqi albaanni go’lara dandaannohu gophphu tunsichchi kurchonkanni dino.” (Iyob 34:21,22).

“Yesusi kayinni, manna baalanka egenninonsahura diammaninonsa.” (Yoh. 2:24).

Konnira “Cubbinsa hilaminonsa manninna saonsano (beebbansa) kiirantinonsakki mannira tashshi yoonsa. Sao assootto yee Kaaliqi bushiishannosikkahunna beebbatewiinni fafino manchira tashshi yoosi.” (Daawiit Faarso 32:1,2).

BALAXO

Mannu Kaaliqi ellenninna wolqanni kalaqami waro wodanisi kaaliqi woyyooti. Kaaliqano horo (wo’mu) wodaninni baxanninna galaxxanni, isino horoomi hagiirrinninna gatonna hee’ranni no. Sheexaanu kayinni kaaliqinna mannu diina (qaho) ikki wote, ishine abbe manchi wodani giddo wixe, kaaliqinna manchu mereero noo mittimma diigi.

Kaaliqi murro (hajajo) sa" a cubboho. Kunino cubbu ishineeti. Cubbu ishini mannu baalunku wodani giddo mu'ranno. Cubbu ishini laalchi: boonne, foorre, hafuurre, Cee'ma, hanqunna qanke, Xagaro, honqooqimmate (do'nimmate). Heeshshonke (lubbonke) diini sheexaane agurranna wolu dino. Tenneno Mootichchu Yesusi (Mat. 13:25-30) giddo, soqqamaasinesira (hawaaryootaho) kulinonsa.

Subbino doogo gibbannori tunsichchu looso baxxannori, baalankare morontanno woy kaaliqi Qaali ledo xaadannokkire haafare rosiissanno.

Yesusinna soqqamaasinesi (hawaaryootu): Kaaliqi manchi wodani giddo hee'rannota, Gashshootesi gidдона (mannu mereero) uurrisi'rannota, Ayyaanissinni faansannonsata, qulleessannonsata, Maganimmasi wolqannino iimiidi keerisinnino hegerete heeshsho aannonsata, hattoonno qole sheexaanu gashshootesi bushuullu, Kaaliqa amma'nitannokki manni giddo uurrisi'rannota, halaalire affannokki gedenna halaali hagiirre afidhannokki gede assannonsata rosiissino. Kristoosi isinni amma'na gibbino Ayihudaanoota togo yiinonsa: "Ki'ne anni'ne Diyabloosi oosooti, hasatto'nenno anni'ne halcho (yorto) wonshate, isi albanni kayise

baaddaanchoho, halaalu isi giddo nookkihura
halaalu ledo xaadu horo dinodi, isi
kaphphaanchohonna kaphphu anna ikkinohura
kaphpho coyiranno wote meessisi giddonni
fushshe coyiranno.” (Yoh. 8:44).

Phaawuloosi Efesooni mannira togo yaanni
borreesse dhaamino: “Ninke gaari (oli) mannu
ledo ikkikkinni tenne tunsichcho yannanni
loossanno biilla, gashshootu wolqa afidhinorinna
gobbate wolqaataammi ledootte. Togo yaano,
iima noori battaame ayyaanna olanto ledooti.”
(Efe. 6:12). Insa amma'nitannokki keessoole,
tenne gobba magano ikkinohu Sheexaanu
wodanansa ballisinonsahuraati. Kaaliiqi akatinni
(daninni) Xawo fulinohu, Kristoosi ayirrinynyire
kulaminohu Danchu Duduwiwiinni daannonsa xawo
affannokki gede assinonsahu isooti.” (2 Qor.
4:4).


Qoleno kaaliiqi phaawuloosi afiinni togo yiino:
“ki'ne sao'nenninna cubbi'nenni kainohunni
reyitine heedhinoonnireeti. Hakkawaro tenne
gobbaha busha labbinanni saotenninna cubbunni
heedhinanni hedhinoonni. Hattono, diilallote
aana noore busha ayyaanna wolqa gashshannoha
labbinanni heedhinoonni. Isi, Kaaliiqira

owaattannokki manninni, xa loosi'ranni noohu battaamo ayyaanaati." (Efe. 2:1,2).

Kaaliqiwiinni bae hee'ranno manni illensa fa'nanteenna Kaaliqi halaale afa hoogguro hegerete hegerera ba'ino gedeenni heedhanno. "Diyabloosi hundanni kayise cubbo loosannohura, cubbo loosannohu baalu Diyabloosi beettooti. Kaaliqi Beetti xawo fulinohuno Diyabloosi looso diigateete." (1 Yoh. 3:8). "Kaaliqiwa gamba yiiyye, Isino ki'newa gamba yaannona." (Yaq. 4:7,8).

Ati konne maxaafe nabbawatto wotenna isi misilla la'e xiinxallatto (huwatatto) wote, atehu umikki wodani hiittoohoro af'rattora dandaatto. Kaaliqi wodanniki ikkitto xawisannohe gede xa'misi. Cubbokki morontootina egensiisi'ri, Kaaliqi Qali togo yaannona; "Cubbu dinonke yinummo ninkenee (umonke) dongeemmo. Halaaluno nike giddo dino. Cubbonke Kaaliqira aagintaambummo, Isi halaalaanchonna keeraancho ikkinohura Cubbonke baala hilannonke (sayisi'rannonke), saonke baalatennino fayyeessannonke." (1 Yoh. 1:1-10). Beettisiti Yesusi munde cubbu baalunni fayyeessitannonke."

1. CUBBAATAAMU WODANA



Tini misile leellishshannohu, tenne gobba wodana
afi'no manchi, Qullaawu Maxaafi giddo
yinoonninte gedenni, tenne gobba magano
ikkinohu Diyabloosi gulufinohunna tenne gobbara

qeelame, anga uyino manchi shuggurrimma, ufunimmanna godowu bunshe leellishannoha xircho albaho afi'rinotaati. Illete duu'milli dimbenna geleele galino manchi ikkito leellishanno. Solomooni Masalo giddo togo yinoonni, "Yaaddonna manchita iillitannohu ayeeti? Dhiite ba'riite (duuchcha wote) moromonna boroorsha Kakkayisannohu ayeeti? Ikkino Keessoole afikkinni madi're leellannohu ayeeti? Ille duu'mitannohu ayeeti? Kuni baalunkurichchi iillannosihu woyinete bulbulo batisi're agatenni, woleno dimbisanno ago rosiisi'ratenni yannasi hu'nanno manchi aanaati, Kunnira ayee geeshshano duu'me burcuqote giddo xu'me leellirono, anganni woteno shalaale eirono, woyinete bulbuli yorsiisoonkehe. Mayirano yiniro, maaheessa masse hamashshimma iddannohe, buutete gede harfasi naqannohe, illekki siphphi-siphphi yitannohehura haarorichcho la"attoha lawannohe, taalotenni hedono ikko, coyi'ra didandaatto." (Masalo 23:29-33).

Manchu umi nisile woroonni, manchi wodani addi addi moichchi misilenni wo'minohu egensiiisannori, manchi wodani addi addi dani cubbinni sarraqame (sakaalame) hee'rannotaati. Kaaliqi

Himanaanchisi Erimiyaasi afiinni togo yiino,
"Manchi hedo ayi afara dandaanno? Manchi
wodanni baalukurichchinni roore lowo lowo
geeshsha battaawinohonna xagaraamoho."

(Er. 17:9).

Yesusi umisi tenne togo yee hawaqirisiisino,
"Manna batteessannohu mannu wodani giddonni
fulanno coyeeti, hakkuno: busha hedo, galte
assi'nikkinni fooru, moora, hafuura, hantalaallo,
doga, maaxaana, dhiibbe, manni su'ma huna,
boonne, dhabbanse, manna shaa, galte assi'ne
hee'ne wolewa fooru, kuriuuti. Kuni baalu bushu
coyi, manchi wodaninni fulanno, mannano
batteessanno." (Mar. 7:20-23).



1. DOOBBIIICHCHO - Umi misliera lellanno
doobbiichchi boo'neeti. Doobbiichchu wolu
moichchi baalunkunni wogarosinninna akeekisinni,
bareendesinnino rooranno. Kunnirano isi boo'nate

(naaxxate) lawishsha ikkino. Manchi wodanino doobbiichchaamoho. Kaaliiqi shaqqillisi batinynyinni kainohunni, lowo mannira jiro, xumille, ayirrinynyenna woleno addi addi afansho loosinsaweello uyinonsa. Kayinnilla, insa boonnetenni kainohunni, Kaaliiqi uyinonsarinni umonsa ayirriisidhanno, hagiirsiisidhannono. Kunnirano wole manna mishshanno, arrassitanno, wolunni ninke roorroomoreeti yiidhanno. Kaaliiqi kayinni togo yanno, "Ani, boonnenna bilxooma giweemmo, hantaallote doogonna Kaphphaancho qaale dibaxeemmo." (Masalo 8:13). Qoleno, "Boonne ba"ate widira massitanno, addaxxa (aggaxxa) uwate iillishshanno." (Masalo 16:18).



2. MEICHCHO - misilete aanna leellanno meichchi manchi wodanira noo baashenna foorreeti. Manchi wodanino meichchaamoho. Tenne yanna manni mehaa-labbaahu, wodanu

yorto (halcho) calla duushshi'rara (wonshi'rara) afoono ikko assoote fooraho 2000 diri albaanni Yesusi togo yee masaalino, gedeniidi yannara Sodoominna Gomoori barri gede ikkanno. Yannate manni kaaliiqi doogo agure yannate baasheranna foorrete doogamanno. Kayinnilla, Kaaliiqi togo yaanno, "Kunnira foorretewiinni faffe, mannu assannohu, wolu Cubbi baalu bisisi gobbaanni assamannoho, fooranno manchi kayinni, meessisi bisi aana cubbo assanno. Bisi'ne Kaaliiqiwiinni adhitinoonnihana giddo'nenno hee'rannohu Qullaawu Ayyaani woyyo ikkinota diaffinoonni? Xaate ki'ne Kaaliiqireeti ikkinina meessi'nere di"ikkitinoonni." (1 Qor. 6:18,19). "Xaate mannu Kaaliiqi woyyo diigiro, Kaaliiqi isono diigannosi. Mayirano yiniro, Kaaliiqi woyyo faansantinote, hatte woyyono ki'neeti." (1 Qor. 3:17).



3. MANCHAAME - misilete giddo manchaamete lawishshi xawisannori, ise itte duuwomma yitannokita, hafuuraame ikkitinota, tuffinonkanni qolte ittannota, gadhannonna boqattanno bayichcho doodhitannokkita, shumeettete aana gadhannota ikkitinotaati. Hattono cubbo bayirino wodana afi'no manchi, Kaaliqi albaanni battenna lago ikkinore bade diafannona, wodanisinna wodanisi hafuurrella wonshi'rara hellobuufi yaanno. Araandore siixe, corqe, ageno dibaganno. Ikkinoe woy duuwoommo diyaanno. Kaaliqi doogo doodhitinorira kayinni, araadisannorichchi battete, lagote. Kaaliqi bushare qorowisiisanninke togo yiino, "Owaattannokkiri (murrisantnnokkiri) Kaaliqi Gashshoote iqqantannokkita diaffinoonni? Kunni coyinni dogantinoonte, amanynyootiweelootu woy haafare maganoonsidhannori woy foorraadu woy labbaahu ledo foortanno labballi woy mooraano woy hafuuraamootu woy dimbaaleeyye woy mannu su'ma huntannori woy manniha mulqidhannori kaaliqi Gashshoote di "iqqantanno". (1 Qor. 6:9,10). "Ba"ate widira massanno'nehura woyinete bulbullinni dimbitinoonte, roorenkanni Qullaawu Ayyaaninni wo'me." (Efe. 5:18). Yesusi togo yee

woshshanni noonke, "Waa goo'riinohu nooro anewa dayee ago, anenni amma'nannohu, Maxaafu yaanno gedenni heeshshote wayi burqi giddosinni burqanno." (Yoh. 7:37,38). "Ani eemmosi wayiinni agannohu hegerete hegerera kurichchonkanni (horonta) digoo'ranno. Mayirano yiniro ani eemmo wayi, aganno manchira hegerete hegerera heeshsho burqitanno burqa ikkanno." (Yoh. 4:14).



4. **AWULCHO** - misilete aana awulchote lawishshi xawisannori, cee'mate, huntete, qaalloolimmate. "Kaaliqira owaata hooga bitaamu gede, boonnete shuggurrimmano haafare maganoonsi're cubbo loosate gede kiirantanno." (1 Sam. 15:23). "Loosa baxannokkihu cee'maleessu manchi meessassii (umosi) shiinohu gedeeti. Cee'maleessu manchi duuchchanka wote halchannohu loworichcho afi'rateeti." (Masalo 21:25,26). Awulcho

mugganni hossanno. Hattonni, manchu beettino kalaqamasinni Kaaliiqirichcho adhate dunkaho. Mittu faarsaanchi togo yiino, "Muggooti, muggooti, mungiro daannona takki yite goxxooti, goxa wodanaho, illete yitooti." Yesusi togo yaanno. "Yanna mamaro ikitannoro diaffinoonnina qorophphe, jawaatte. Hedeweelcho daye goxxine heedhineenna afanno'nekki gede jawaatte." (Mar. 13:33,36). Kaaliiqi techchonni assi yaannore sheexaanu kayinni, ga'a, injiihero assi yaanno. "Bitaasinenna reyitinori ekeru (lubbo) woshshitannore xa'midhe yitanno'nere macciishshitinoonte, Kaaliiqi murrisanno'nehanna (hajajanno'neha) rosiisanno'ne qaale macciishshe." (Issa. 8:19,20).



5. **DAGUNCHO** - misilete aana noo dagunchi hanqo, godowu Kaajjille, qanke, leellishanno. Manchi wodanino dagunchaammoho. Wodana

dagunchaa'manno manchi hanqo disayisi'ranno, shaara, itara hasi'ranno, qanke wodanaho amadanno. Kaaliiqi togo yaanno, "Dadillunna caacce qarru widira massitannohura hanqitooti, aarantootino." (Faarso 37:8). "Hanqu Kaajjllunninna hunatenni wo'minoho, hinaasu kayinni hanqunni roore bushaho." (Masalo 27:4).

Rabba cubbaataamo wodana hagiirsiissanno. Kaaliiqi kayinni bushiishannoha baalanka qorichchishano. Yesusi togo yaanno, "Manna baala, meessanakkii (umokki) baxattohu gede assidhe baxi." (Mar. 12:31). "Qahokki baxi." (Mat. 5:44). Ninke, sao assitinonkere hilleemmonte gede Kaaliiqino sao assinoommota hilankera owaataho (owaataamoho), (amma'naminoho).



6. **HAMASHSHO** - misilete aani haashshi lawishshi xawisannori hinaasonna harfa, godowu

bunsheeti. Hamashshu qasiro (iddiro) harfa afi'rino. Bashsho (bi're) Edenete giddo, hagiirruninna Kaaliiqi ledo coommado heeshshonni heedhannore Adaminna Heewani hinaase, xagare, Kaaliiqi ledo giwanshiishe huninonsa. Manchi wodanino hamashshaamoho, hinaasaanchohono. Galtesi hinaasanno, manni galteno, manni jajjano (woxe) hinasanno, "Kaaliiqi, busha hedo afi'no manna giwanno." (Masalo 11:20).



7. BASU - lawishshi honqooqimmanna woxu baxille leellishanno. Basu honqooqittete, duubburo nafa bushsha unte (honqoorte) maaxidhanno ikkinnina diuyidhanno. Woxe baxanno manchi lexxaralla hasi'ranno ikkinnina, ikkinoe diyaanno, noosihunnino buxichcho dikaa'lanno. Yesusi togo yaanno, "Tenne uulla aana jiro cibbidhinnonte (Kuusidhinoonte),

mayirano tenne uulla aana daanillunna dukukku hunanno. Roorimankanni umi'nera iima jiro cibbidhe, hakkiichcho noojiro daanillunna dukukku hunara didandaanno, mooraanono unte moortara didandiitanno. Jirokki noowa wodanikkino hakkiichcho hee'ranno." (Mat. 6:19-21).

"Mitu mitu manni shaqqillunni woxensa billaallissanno, Kayinnilla jironsa batidhanni hadhanno. Wolu manni jilbimale (bikkiweello) woxinsara raqisantanno (honqooqoo'mitanno), Kayinnilla buximansa batidhanni hadanno." (Masalo 11:24).



8. SHEEXAANU - kaphphu baalu annaati, kaphpho halaale lawisanni mannu wodana gowwise murrisanno. Isi giddo halaalu dino, isi kaaliiqi qahooti. Yesusi togo yaanno, "Ki'ne anni'ne Diyabloosi oosooti. Yorto'nenno anni'neta

halcho wonshate. Isi bi'renni kayise baaddaanchoho, halaalu isiwa nookkihura halaalu ledo kurchu xaadino dinosi, isi kaphphaanchonna kaphphu anna ikkinohura kaphpho coyiranno wote meessisi giddonni fushshe coyiranno." (Yoh. 8:44). "Kaaliqi ledo mittimma noonke yinanni tunsichchoho hee'neemmore ikkinummoro, ninke kaphphaasinete, halaaluno ninke giddo dino." (1 Yoh. 1:6).



9. **BEEDDAKKO** - mannu baalunku wodani lii'la egeniissanno. Manchi wodani cubbo bayi're balle, meessasiinni layi'ra didandaanno. "Qullaawu Ayyaanni faajjete togo yaanno, gedeniidi Yannara mitu mitu manni so'risiissanno ayyaannanna durriisu sheexaanna rosiishsha macciishshitani (ha'runsitanni) hayimaanoote agurtanno. Togoo gari rosi fulannohu Mukkurrante Kaphpho coyidhanno wote iibbino siwiilinni sissiiwaminohu gede ikke dillaawino

lii'linsa Kulannonsakki manni wiinniti.” (1 Ximo. 4:1,2). “Kunnira bushu lii'linni fayyaambeemmo wodananke faansi'ne, bisonke Xalalu Wayinni hayishshi'ne, taalo wodananna halaalaancho amma'no cu'mi'ne (adhine) Kaaliiqiwa shinqo.” (Isi. 10:22).



10. **ILLE** - Kaaliiqiti manchi wodanira noore baala la'anno. Kaaliiqi ille bubbannotewiinni tunsichchoho ikko, rassu dubbirano ikko, diimete boonirano ikko tee'lannori dino.



11. **SHIIMMAADDU GIIRATE ARRAWI** - wodanu misile doyisse leellannohu lawishshi, Kaaliiqi baxilli manchi wodana yooyyifatanno gara leellishanno. Kaaliiqi Cubbo giwirono, cubbaataamu cubbisinni hee're reyaara

dihasi'ranno. Cubbisinni hige hee'rara hasi'ranno. Yesusi cubbaataamma gatisara dayino. Dallaa eannohu mittu cubbaataami daafinni, limi Gashshootira hagiirre ikkanno. (Luq. 15:7). Shiimmaaddu giirate arrawi Yesusi mundeereno coyi'ranno. "Gobbate cubbo hoolannohu Kaaliiqi wiliilichi." (Yoh. 1:29).




12. **KAALIIQI-SOKKAANCHI** - Kaaliiqi Qaali lawishshaati. Cubbu xuri duha ikkinonsarira Kaaliiqi woshshatto diagurino. Insa woshshattosi macciishshite doogosi doodhituro Kaaliiqi baxillinna xawisi wodaninsa giddo galanno. Kaaliiqi doogo doodha yaa cubbu-xure laqqate, Yesusi qaale agadhate.



13. **LEMBOOLCHO - Qullaawu Ayyaani malaateeti. Kuni Ayyaanino, Kaaliiqi halaale xawisanno. Qullaawu Ayyaani, cubbo henceleellishanno, Kaaliiqi yoo xawisannohonna halaale kulanno Ayyaanaati. Qullaawu Ayyaani manchi wodana dooyanni hee'ranno. Misilete aana Qullaawu Ayyaani malaati, manchi wodani gobbaanni leellannohu mayiraati? Cubbunna Isi xaado afidhinokkihura cubbaataamu wodani giddora ea dandaannokkihuraati.**

Tenne misile wodani ate wodani giddo ikkito leellishannoro, Mootichchu Kaaliiqiwa higge raari, eegami, wodanakki Isira fa'ni, Qaalisi xawi eahera fajji. Mootichchu Kaaliiqi battaamo wodanakki soorre haaro wodana aahera elino (fajjino). (H. Looso 16:31; Hiz. 11:19).

2 LAYINKI MISILE



2

Tenne missile lawishshi, cubbosi aagintaawe dallaa e'e Kaaliqira alba higinno wodanaati. Kaaliqi sokkaanchi amade noo bise Kaaliqi Qaaleeti, "Kaaliqi Qaali heeshshonnihonna

loosannoho. Lami-qaraame bisenni roore iibbadoho; lubbonna ayyaana, niganna miqichcho bada geeshsha fiilannoho (hiifannoho). Wodanu giddo maaxantion (tee'litino) hedonna yorto shalaashshale kae fari'cirannoho." (Ibi. 4:12). Kaaliiqi Qaali cubbu wodo (damoozi) reyoo ikkitinota egensiisanno. "Mannaho mitte hige reyaa noote, reyoote gedensaanni yoo noosi." (Ibi. 9:27). "Cubbaataamunna amma'nannokkihu bayichchi (dargi) goolu giira baaraati." (Ajuujja 21:8).

Kaaliiqi sokkaanchi gurachcho anganni mannu ekeru umo amade no; kunino baalinke reyineemmota egensiisanno. Banxeemmo dhagginke, biinfillinke (Xuminatinke), uddanonkeno, reyite fugudde bushsha ikkitanno. Lubbonkenna ayyaaninke kayinni, yoote Kristoosi albira shiqqanno.

Kaaliiqihu Qullaawu Ayyaani xawi cubbaataamu wodana eanno wote, cubbaataamu cubbosi afi're aagintaawe dalla eanno. Yesusi togo yaanno, "Ani gobbate xawooti, ane lawannohu baalu heeshshote xawo afi'ranno, tunsichchoho dihee'ranno." (Yoh. 8:12). Cubbu tunsichchoho, tunsichchu magani sheexaane Dabloositi. Cubbo laqqiniro Sheexaanu fafanno. Kunnira,

Sheexaanu hedonna yortosi, loosisi baalu
wodaninke giddonni fulanno gede Yesusi
woshshi'no; isi heeshshonkeetina.

Copyright ANGP

3. CUBBISINNI AAGINTAAWE DALLA EANNO WODANA



Tini misile halaalintanni cubbisinni aagintaawe
Kaaliqira dallaaeino manchi wodana
leellishshanno. Kaaliqihu Qullaawu Ayyaani xawi

wodanisi giddo xawe, cubbisi xure hincilaallishannosi wote, bi'renkunni Kaaliiqi halaali wiini, Mootichchu Yesusi elto wiinni mageeshsha fafe hee'rinoro afi're kunni ka'a cubbunniwa dihigeemmo yee xaaranno. Kaaliiqi Qaale, Mootichchu Yesusi Kristoosinni amma'ne, Qullaawu Ayyaaninni wo'mino manchi togooti. Kaaliiqi Qaali togo yaanno,

“Wodaninsa manchitunni (yaaddotenni) hiiqqaminorira Kaaliiqi mule no. Ayyaaninsa manchitunni hiiqqaminore hursannonsa.” (Faarso 34:18). “Beettisiti, Yesusi mundee, cubbinke baalunni faansitannonke.” (1 Yoh. 1:7). “Kaaliiqa ballo! Eeggakkiitina xalala wodana kalaqie, haaronna ammanaminoha ikke dhaabbatanno ayyaana giddo'ya worie.” (Faarso 51:10). Qoleno Kaaliiqi togo yaanno. Gobba gudisamanta kalaqoommohu ane umo'yaati, Kayinnilla ani hagiidheemmohu dallaa e'e owaattannoerinninna joogaaddinniti.” (Issa. 66:2).


Mannu, Yesusi lungaasame, mundee, utu ba'lanto umoho worreennasi, xonneennasi, anja tunfeennasi, masiqala duhisiinseennasi tonge (sunte) shallinsheennasi reyinohu woleteemmero ninke reyineemmo reyo ikkitinota Kaaliiqi Qaali

aanaanni huwate hawaqirirono Sheexaanu dooyya diaguranno. Wodanu ille Kristoosi masqali aaninni ka'e, tenne gobba (cubbu) widira la'anno wote sheexaanu sassaqame (ariiffate) eanno. Isi, Kristoosi morkanno (qoxxisanno), Kayinnilla cubbu widira higa hoongiro garre (queelle) diafi'aranno.

Kunnira duuchchanka wote Kaaliiqi Qaale xiinxalla, Kaaliiqira ashala'lanna dallaa ea hasiisanno. "Kaaliiqi gobba lowo lowo geeshsha baxinohura mittichcho muxxe Beettosi uyino; Kunnira Beettisinni amma'nannohu baalu hegerete heeshsho afi'ranno ikkinnina diba"anno." (Yoh. 3:16).

"Kaaliiqi elto wo'minni Kainohunni, Beettisi mundeenni wodamme (wolaphphine) cubbinkera hiliq o (maaro) afi'noommo." (Efe. 1:7). Kunnira tenne gobba coye laqqine (gimbe) Kaaliiqire banxo.


4. KRISTOOSI LEDO REYA



Tini misile, Mootichchinkenna Gatisaanchinke
Yesusi Kristoosinni horo Keerenna hegerete gato
afi'rino Kristyaanchire leellishshanno.
Mootichchinke Yesusi Kristoosi manna Annisi

Kaaliqi ledo araarsara, mannu cubbo mundeessinni faanse masiqalaho sutaminonte gede, cubbu xure faansame Kristoosinni hee'ranno Kristyaanchi dadille (yaaddo) ikkirono, hagiirre ikkirono, heeshshosi raawe (gudise) Kristoosira aa noosi. Hegerete heeshsho baxanno manchi, Kristoosi agurranna wolu addaxxannohu (hexxannohu) dinosi. "Addaxxannohu hee'riro Kaaliqinni addaxxo" Yaamame borreessamino. "Xaate Ayyaanunni heedhe; maalu yorto wonshitinoonte. Ayyaanunni hee'neemmore ikkinumooro, Ayyaanunni dhaawammo." (Gala. 5:16,25). "Adhitinosirira baalaho Su'misinni amma'nitannorira Kaaliqi ooso ikkitanno gede kaayyo (mabte) uyinsa." (Yoh. 1:12). "Beettisi (Yesusi) noosihu, heeshsho (hegerete heeshsho) afi'rino, Beettisi noosikkihu, heeshsho diafi'rino." (1 Yoh. 5:12).

5. KAALIIQI WOYYO




Halaalaanchu Kristyaanchi lii'li (wodani) Maganu Kaaliiqi, Beettisi Yesusinna Qulaawu Ayyaani woyyo ikkinota tini misile leellishshannonke. Yesusi togo yiino, "Baxannoehu qaale'ya

agaranno. Ani'yano baxannosi, ninke isiwa dange isinni ledo mitteenni hee'neemmo." (Yoh. 14:23). "Kaaliqi manna Beettisi Yesusi widoonni ayirrisanno, maassi'ranno, xoqqi (gotti) assano." (Luq. 1:52). Manchu wodani Kaaliqi eltonni faansame, Kaaliqi woyyo ikkanno wote, Sheexaanu ishini gumi, cubbu xuri dihee'ranno. Hattennentenni (faanta) Qullaawu Ayyaani gumi: baxillu, hagiiru, Keeru, cinca, shaqqillu, danchumma, ammanama, joongillu, meessanaa qee'lanna woluno Kaaliqanna manna hagiirsiisannori hee'ranno. (Gala. 5:22,23).

Kaaliqi togo yaanno, "Ki'ne aana xalala waa wixe haafare maganoonsi'ra'ne wiinninna batte'ne duchchate wiinni fayyaabbinanni gede asseemmo'ne, mokkurrama wo'mitinoha kincho wodana fushshe, taalotenni owaatanno wodana eemmo'ne. Ayyaana'ya giddo'ne gashsheemmo'ne, oommo'ne seeranna murro (hajajo) baala wonsha dandiitinanni gede asseemmo'ne." (Hiz. 36:25-27). Tini, Kaaliqi Beettisi Yesusi Widoonni uyinonketi Haaru Gondoori sokkaati. Sheexaanu Kayinni, manchi wodanira ishine wixara dooyyanni tenne gobbara leenqisamanno.

Yesusi togo yiino, "Battaamu ayyaani manchi wiinni fuliro fooliishshi'ranno bayichcho hasi'ranni wayi nookkiwa moola uulla tuqa raataawanno. Fooliishiranno bayichcho afi'ra hoogiro kayinni fuloommo mini'yawa galagale ha'reemmo yaanno. Kunnira, galagale daanno wote, minu feyaame mucci yee qixxaawinoha afi'ranno. Hakkiinni galagale hare kae isinni roore bushshinore wole lamala gaaleenna (durriisa sheexaanna) haa're daanno. Bashsho isi hee'rino mine e'e hakkiichcho hedhanno. Hakkunni manchiti gedensiidi ikkito albitenni roore bushshinota ikkitanno." (Luq. 11:24-26). Kunni daafira, "Bikkunni (jilbunni) heedhe, jawaatte (baqqi yiiyye) mayirano yiniro, diini'ne (qahi'ne) Dabloosi egemmannoha hasi'ranni ittananno doobbiichchi gede qarqari'nera yaasanno. Amma'notenni jawaattine iso gibbe. (1 Phex. 5:8,9). "Daabloosi gibbesi, Ki'ne wiinnino xooqannona." (Yaaqoobi 4:7). "Kaaliqi sokkaanchi, Kaaliqa waajjitanno manna allaalanno; qaccensa gaangeesse danotenni gatisannonsa." "Harattowa tuqa allaltahera Kaaliqi sokkaanosi murrisannonsa." (Faarso 34:7; 91:11-12; Dan. 6:22; Mat. 2:13; 13:39; 18:10; H.L. 5:19; 12:7-10).

6. JIFAMINONNA BEEHAMINO WODANA



Tini misile lellishshannohu, haymaanootesinni jawaate hee'ranno Kristaanchi shaqpe duumballitte hingohaati. Isi Kaaliqi doogo laanche (dunneesse) mitte ill wilishshi asse,


Kristoosi manni mine tidhinoikki (diddaawu) wodaanni maranni, hakkiinni Kamballi yaanno wote dimbatenna sirbate widira, Kiilohonna Kaayyima layi'rate widira doogamanni, foorrenna moora Yogoranni, injaannosi wote yortosi wonshi'ranni, asaasuraamu manni ledo hosanni (jaaloomanni), Kristoosi manna miliqanni (xooqanni), Kaaliiqira ashala'la agure cee'maawanni shaqqanno wote, Dabloosi jaallasi anga adhe wodanisi giddora eara yooyyifatannosi. Hakka wote, Kaaliiqi Ayyaani wodanisinni fule ha'ranno. Wodanasi Sheexaanu dogisiisanno, Cubbunniwa massitanno doogo bididi assannosi, Sheexaanu tini mannu Kalaqamara nootena beqqi yitooti yaannosi. Isi yiinotera dogame doogamiro, Kristoosi wiinni fafanno. Manchi beetto jifannohu Dabloosi agurranna wolu mayino dino. Baxillu mereero gibbonna boroorsha, danchuri giddo ishine wixannohu isooti. Dabloosi wodaunnita shiima qacce afi'riro gudise (raawe) egemmara naachchikka muuqanno. "Bikkunni (jilbunni) heedhe, jawaatte (baqqi yiiyye). Mayirano yiniro, diini'ne (qahi'ne) Dabloosi egemmannoha hasi'ranni ittananno doobbiichchi gede gaangaawi'nera yaasanno. Gobba baalate noo roduuwi'ne Kunni gari qarra

adhitannota egennatenni amma'notenni
jawaattine gibbesi." (1 Phex. 5:8,9).

Kaaliqi Ayyaani togo yaanno, "Xaate halaale
billawimma qodhitine, Keeraanchimma siwiilu
uddanimma uddidhine, Keerunniha Ba'raa'ru
Qaale Koattimma lekkate lukkine (wodhitine)
qixxaabbine uurre. Kunni baalunku aleenni,
giirate buwani gede wala-wala yitannota
Dabloosi maxxichcho (Xoichcho) baala hunate
dandiitinannita amma'no wonqimma Kayisidhe.
Hattono, gato umu gullee gede umi'ne aana
wodhe. Kaaliqi Qaale, ullaawu Ayyaani bise
gede amaxxe. Hasiisanno'nere baala
huuccidhinanni wote, Qullaawu Ayyaaninni
dhaawantinanni dhiite ba'riite ashala'le. Kunni
daninni baqqi yitine jawaatte, amma'naasinete
baalaho tayisidhinikkinni huuccidhe." (Efe.
6:14-18).

Yesus Kristoosi togo yaanno, "jifote widira
e'inannikki gede jawaattine ashala'le; manchi
ayyaani baalanka wote qixxaawaho, maalu
Kayinni hoogimaho." (Mate. 26:41).

7. DUUMBALLITTE HINGOHA WOY MUKKURRAMA WODANA




Tini misile xawissannori, bashsho Kaaliqa
amma'ne halaalu doogo-Kristoosi-afe Kae
galagale duumballitte higinno manchi wodanasi

galagalche tenne gobbara haafi heeshshora anga uyion manchireeti. Kaaliqi Qaali togo yaanno, "Doogonni fultino manna dallaa eate hiittoo qola dandiinanni! Kuni manniwe Kunni albaanni xawu xaweennansa iimi afansho qamassinoreeti, Qullaawu Ayyaani beeqqaasine ikkite heedhinoreeti." (Ib. 6:4). "Mayirano yiniro, manchu qeelamiro qeelaanchoho borojjichcho ikke hee'ramanno. Mootichchanke Yesus Kristoosi egennite gobbate batte winni gattuhu gedensaanni, galagalte hattenni battenni amadante qeelanturo albihunni roore gedeniidi ikkitonsa roore bushshinota ikkitannonsahuraati. Kunino, Keeraanchimmate doogo affuhu gedensaanni, aamantinonsatenni gullaawa murro (hajajo) wiinni duumballitte higgankunni roore, Keeraanchimmate doogo egennitukkinni gattinoha ikkoommensaro, woleteemmero woyyannonsahuraati. Tufinoha itara wosichchu tufisiwa higanno. Hattono, manchaame hayishshantuhu gedensaanni, galagalte sabbaho gongo'mitanno yinoonni masalo halaale ikkite iillitinonsa." (2 Phex. 2:19-22). Mannu Kaaliqa agure, Sheexaane guwaanyanya"anno wote, Qullawu Ayyaani manchi wodani giddonni fule ha'ranno, Kaaliqi sokkaanchi badhe wodhanno, wodanisi giddo

Sheexaanu moohanno. Ikkollana, Cubbisinni aagintaawe Kaaliiqira dallaa eannota wolsanni agaranno. Kaaliiqi ayino cubbisinni ba"ara dihasi'ranno. Annisi mininni fule baino beetti, "Anni'ya mine qaxarante loossanno faanchaano waasa duubba geeshsha itteenna gatannonsa, ani Kayinni Konne hudetenni reemmo. Anni'yawa mare, anna'ya atenna Kaaliiqi albaanni hunoommo yeemmo." (Luq. 15:16-20). "Dallaa ea hasiissannonsakkiri honsayina honsu joogaaddu manninni roore, dallaa eannohu mittu cubbaataamu manchi Keessoolenni limi Gashshootira hattoonni hagiirre ikkanno." (Luq. 15:7). "Layinkimeeshshono, Ba'aali Su'ma woshshidhara difajjeemose." (Hosei 2:17).

8. CUBBAATAAMU YOO



Togoo wodana afi'no manchi, Mootichcha Yesusi
hornyi (meessisi) gatisaancho assi're adhate
woyite (yanna) sayisanni hee're reyoote deerra
illinoha ikkinota tenne misile ikkito

leellishidhanno. Kuni manchi, reyoo adhitasira gambisidheenna, qooqqesi (lubboosi) fultara rakkeenna, reyoo ekeru labbe itanno moichchi gede dookkaantanna ikkannota hooge daallasaho hee're waajje quuxxi yee ga'namanno. Bi'reenkunni hee'ranno heeshsho (Kaphphu hagiirri) yanna xa sa'ino. Kaaliiqanna Gatisaanchosi egennanna amma'na hooginohura, Kaa'lannosihunna wodana qolannosihu noosikkiha reyoo adhitasira, Sheexaanu Kaaliiqi albaanni Kassasasira feeffateenna elu-eemu, fiixu-xixu iso gaangeesse malu baeennansa jajjarte yitannore habbano. Goolu giira (Si"oole) qilinta magani bale dirrara (Kulullisara) bi'reenkunni hagiirsiissanni doggannosi heeshsho, fiixano, elono, xa agure ha'rara xu'e (hilicci) geeshshirilla gatino. Bi'reenkunni qaage egenninokki Kaaliiqa xa woxaratanno. Faffino barra qaaginokki Kaaliiqa ruukkitino barra woshshi'reenna ee diyaannosi. Jirosi reyoote quuxxonni digatissannosi, lubbosino goolaho qilintate ba"atenni dihooltannosi. Kaaliiqita halaalanyya yoo mannaashi'ne (gubbisi'ne) digantanni. "Kunnira Heeshshote Kaaliiqi angara uwa lowo lowo geeshsha waajjishshannote." (Ib. 10:31).

Faffe noo yannara Kaaliiqi Qaale macciishsha gimbe dimbanna siribba, haariimanna Kaaliiqire arrassa, tirrokkirira dodama, Kiilsiisi'ra, bita wora, quraa'ma, bushare araada, saada gorre kakka'la, helleenna moora laisiisi'ra, Kaayyo (kaayyima) layi'ra, heewonna xagaro, woleno kore lawannore haafare Sheexaanu looso loosa, lubbo fultara Ka'e rogo yiteenna woxarantannita Kaaliiqi dimacciishshanno. Yote barra Yesu togo yaanno, "Ki'ne rumantinoonniri! Ane wiinni Ka'ira faffe! Sheexaanehonna labbannosirira qixxeessantintotewa hegerete hegere giirawa hadhe." (Mat. 25:41). "Mannaho mitte hige reyaa noote, reyoote gedensaannino yoo noosi." (Ib. 9:27).

Dondeemmohuno, amma'nonke buriqisaanchonna wonshaancho ikkinoha Yesusi hordonfanniiti (harunsinanniiti).” (Ib. 12:1,2).

Yinoonninte gede tini misile leellishshannohu, Kaaliqira amma'nosi (heeshshosi) Uyi're Sheexaanu jifonna xagaro baala gare (qeele) baalante doogonni Kristoosiha ikke masqalasi duqqino Kristiyaanchooti.

Sheexaanu battaame jallasi anga adhe Kristoosi amma'nanno wodana jifara duuchcha wote gaangeesse mulla soochchaawanno. Bashsho hee'reemmowa e"eemmo yaanno.

Kayinnilla, Kristiyaanchu wodani Kaaliqi woyyonna Kristoosi galannowa ikkinohura lagonnirichchi (Cubbu) eate didandaanno. Jawaatu Kristiyaanchi Kaaliqa waajjanno (ayirrisi'ranno), duuchchanka wote ashala'lanno, wolu Kristiyaani ledo hoshsha baxanno, Kaaliqi Qaale Xiinxallanno, Kristiyaanimmasi arrassinisirono, haariimmisirono Kaaliqira yee cincanno. Kristoosi togo yaanno, "Ane daafinni mannu xonanno'nenna daransiisanno'ne wote, Kaphphunnino su' ma'ne hunanno wote tashshi yoo'ne limi Gashshootira afidhinanni wodo (waagi) lowota ikkitinohura tashshi yoo'ne,

hagiirrunni birqiiqqe.” (Mat. 5:11,12). “Yesusi ninke daafira reyino, reyootennino kae, Kaaliqi Annu qiniiteenni Ofollino ninkera huuccannoho. Kunnira, Kristoosi baxilli wiinni badankera dandaannoho ayino dino. Mitiimma woy qarru, dartu woy hude, Kallimma woy dano (dawaawano), woy bise, Kristoosi baxilli wiinni baddankera didandiitanno.” (Rom. 8:35). “Gatinohunni roduwa’ya ballo! Mootichchunninna Isitenni bayira wolqanni jawaatte. Diyabloosiha xagarote looso giwate dandiitinanni gede Kaaliqiha bagadu uduunne gudissine uddidhe. Mayira yiniro, ninke oli mannu ledoo ikkikkinni, tenne tunsichchu yannara loossanno mootolle, gashshootu wolqa noonsarinna gobbate wolqaataammi, togono yaa iima noori battaame ayyaanna olanto ledooti. Kunnira, Kaaliqiha bagadu uduunne gudissine kayisidhe! Xaatewe, halaale sabbatimma (hanfalimma) qodhitine, Keeraanchimma siwiilu uddano gede uddidhine, keerunniha Ba’raa’ru Qaale Koattete (Caammu) gede lekka’nera wodhitine feeffattine uurre. Kunni duuchchunku aleenni, giirate gede wala yitannota Diyabloosi maxxichcho baala huna dandiitinannita amma’no wonqidhe. Kaaliqi Qaale, Qullaawu Ayyaani bise gede amaxxe, hasiisanno’nera baala huuccidhinanni wote,

Qullaawu Ayyaaninni dhaawantinanni (subbinanni) dhiite ba'riite ashala'le." (Ef. 6:10-18).

BEEDDAKKO - Kristoosiwa higino manchi lii'laati. Xa isi lii'li xawadoho, wodanisino amma'notenni wo'minoho, Qullaawu Ayyaaninnino wo'mino. Kaaliiqi sokkaanchi, Kaaliiqi Qaali gedenni maasso afi'notanna hagiirre Kulannosi.

FA'NAMINO OGORI - leellishannori, Kaaliiqira galino manchi wodanasi calla ikkikkinni woxesino Kaa'lannorira (buxanete, Kristoosi-manni minira, qarraminohura) fushshannota ikkinnina, Kaaliiqi baxannokki doogonni fushshannokkitaati.

TIMUNNA GAAFFO'LICHCHU - Kristoosi amma'nino manchi godowisi bikkinni (ikkadotenni) calla hee'rannota, woxesi doogimale hunannokkita, Kunino yaa: jima (caate) qama"atenni, dimbisaare agatenni, hafuurrenna qanke noosikkita leellishshano.

FA'NAMINO MAXAAFI - Dhaawaanchu Maxaafi isira fa'namino maxaafa ikkinota, isono barru-tuqa nabbawanni egeonna jawaante, heeshshonna xawaabba, qoleno tunqannikki jiro afi'rannota leellishanno. Isi Xaate, Qullaawu Ayyaaninni wo'me hegerete heeshsho afi'rate Kristoosi masqala (qarra) wodanisira duqqa

noositanna duuchchanka wote Qeraaniyo qaaga
noosita afinohura, Kaaliqihu horoomi
(hegeraamu) baxillinni hee'ranno.

Copyright ANGP

10. AYIRRADU MINI-HA'RINSHO



Yesusi togo yaanno, "Kaonna heeshsho anneeti, anenni amma'nannohu reyiro nafa heeshshotenni hee'ranno. Heeshshotenni hee'rannohunna anennino amma'nannohu baalu Kurcho di

reyanno.” (Yoh. 11:25,26). “Kuni ba”annohu ba”annokkiha, Kuninni reyaannohu reyaannokkiha uddiranno wote, reyo garretenni egemmamantu yine borreessinoonnihi wo’mano. Hattono, reyo ballo! Garrekki hiiko no? Reyo ballo! Manna eddarate wolqa hiikko no? ... Kayinnilla, Mootichchinke Yesus Kristoosi aanaanni garre aannonkehura, Kaaliiqira galata ikko.” (1 Qor. 15:54-57).

Kaaliiqi ledo hee’rannohunna qaafanno manchi reyo diwaajjanno. Reyote yannasi iillitannosi wote, hagiirrunni ha’ranno. Soqqamaanchu Phaawuloosi Yiinonte gede, “Mitto widoonni tenne heeshshonni baxxe Kristoosi ledo hee’ra baxeemmo. Mayira, Kristoosi ledo hee’ra wo’munkurichchinni rooranno Coye ikkinohuraati.” (Fil. 1:23).

Kristiyaanchu, isira yee reyinosihunna masqalu aana togame cubbisi wodo (waaga) baatinosiha Yesusi iillara quqquxamanno. Qullaawu Ayyaanino Yesusi qaale qaagiissannosi. “Wodani’ne quuxxi yoonke, Kaaliiqinni amma’ne, anennino amma’ne. Anni’yawa bacu gallanniwi no, hatto ikka hoogoommero kayinni, woleteemmero heedhinanni bayichcho qixxeessammo’nera ha’reemmo diyeemmo’ne. Ha’re bayichcho

qixxeessummo'nehu gedensaanni, ani noommowa heedhinara galagale dayee ha'reemmo'ne. Ani ha'reemmotano doogo egennitinanni." (Yoh. 14:1-4). "Ikkollana Maxaafu, manchi ille affinokkire, manchi macca macciishshitinokkire, manchi wodani hendokkire Kaaliiqi baxxannosirira qixxeessino yaanno." (1 Qor. 2:9). Yesus Kristoosi ha'ruminni ha'nanniha, Kaaliiqi baxxannosirira qixxeessinoha iimi Katamire hasaawate dandiinanni afii tenne baatto aana dino.

Tenne misile aana ekerate (reyote) bado (faanta) Kaaliiqi sokkaanchi leellanno. Isi mucci yiino ayyaana (golfa) Kaaliiqiwa massara agaranni no. Lubbonna ayyaanu (golfa) reyaanno bisi (maali) usuri wiinni tidhante callimma heedhe ka'e iimiha fa'namino bitima higge, baxannosihunna isira reyinohu Yesusi noowa fultanno wote, Kaaliiqi albaanni bayiru ayirrinnyinninna hagiirrunni haa'rantanno. "Koo amma'namaanchunna shaqqillu faanchaanchi ... biilikki (mootichchikki) hagiirre beeqgate ei." (Mat. 25:21). "Kunnino gedensaanni, buxichchu manchi reyi, Kaaliiqi sokkaanono Abrihaami mulira (kikkillawa) massitusi." (Luqa. 16:22). "Iiminni togo yaanno qaale macciishshummo,

Konne borreessi, Kunni Kawa Mootichchu Yesusire ikkite reyitannori Kaayyaataammaho, Qullaawu Ayyaanino eewa daafuronsa fooliishshidhanno gede loosinsa faanansa ha'rannonsa." (Ajuujja 14:13).

JEEJU SEEJJO

Koo tee! Konne nabbabbinanniri baalu! limanna uulla kalage giddonsa hee'rannore tuqa garigarinsanni worinohu Kaaliiqi wodana'ne fayyesso. Maganu Kaaliiqi togo yaanno, "Manchi hedo ayi afara dandaanno? Manchi wodani baalunkurichchinni roore lowo lowo geeshsha battaawinohonna xagaraammoho." (Er. 17:9). Yesusino togo yaanno, "Manna batteessannorichchi manchi wodani giddonni fulanno coyeeeti. Insano: busha hedo, galt assi'nikki hee'ne foora, moora, manna shaa, galte assi'ne hee'ne foora, hafuurre, bunshe, dogo, amanyyaatiweela, dhiibbe, mannu su'ma huna, boonne, liilla ba"a." (Mar. 7:20,21). Kunni daafira, machi beetti wodanasi battaawinota afi're Kae, Mootichchu Yesus Kristoosi masqalu aana Sheteenna du'nantinotenni muxxete mundeessinni faansannohe gede Isiwa shiqi. "Ubbinanniki gede assanno'nehunna arrasso nooki gede asse

hagiirrunni ayirrinynyisi albira shiqisha'nera
dandaannohura, Isi callu Gatisaanchonke ikkino
Maganira, Mootichchinke Yesus Kristoosi
aananni (widoonni) bi'renni (Xintanni) Kayise,
xaano, hegerete hegererano ayirrinynyunna
bayirreenyny (jawillu), wolqanna mootummano
Isira ikkitosi!
Hamii'ni." (Yuda 24,25).

Copyright ANGP

“Cubbo loosannohu baalu Kaaliiqi Seera diiganno, mayira yiniro, cubboho yaa Kaaliiqi Seera diigate.”

“Kristoosi mannu cubbo hunater xawo fulinotanna (leellinota), Isira cubbu noosikkita egennitinoonni.”

Kunnira Kristoosinni hee'rano manchi baalu cubbo diloosanno, cubbo loosanno manchino Kristoosi diafinosi woy diegenninosi.”

“Ooso'ya ballo! Ayino gowwisoonke'ne (dogoonke'ne) Kristoosi keeraancho ikkino gedenni keeraanchimma assannohu baalu keeraanchoho.”

“Diyabloosi hunda (xintanni) Kayise cubbo loosannohura, cubbo loosannohu baalu Diyabloosi beettooti. Kaaliiqi Beetti xawo fulinohu Diyabloosi looso diigateeti.”

“Kaaliiqi beetto ikkinohu cubbo diloosanno, loosrano didcandaanno, mayirano ikkiro, Kaaliiqi suudi gidosi hee'rannohuranna Kaaliiqiwiinni ilaminohuraati.”

“Kaaliiqi oosonna Diyabloosi ooso baxxite egennantannohu kunninniiti, Keeraanchimma

assannokkihunna roodoosi baxannokkihu baalu
Kaaliqi beetto di'ikkino."

(1 Yoh. 3:4-10).

Copyright ANGP

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.angp-hb.co.za or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, tablettes, etc. de www.angp-hb.co.za ou comme une Application "Heart of Man" sur téléphones Android.

Este livro "O Coracao do Homem" é obtido em mais de 538 linguas e dialectos falados em todo o mundo, a saber: (Africa, Asia, America do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablets, etc. de www.angp-hb.co.za ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, à l'école du dimanche ou lors de réunions de plein air. Soyez aimable de nous contacter pour assurer les derniers prix en cours du tableau.

As 10 imagens do coração, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coração podem ser obtidos com características Europeias e Africanas e podem ser usados em conjunção com o mesmo livro em classes de ensino bíblico, evangelização ou ao ar livre. Agradecemos que nos contacte-se para confirmação do último preço dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre littérature, nous informant de la langue dans laquelle vous pouvez traduire cette littérature évangélique. Votre aide sera beaucoup appréciée.

Si vous avez trouvé le salut en Christ ou si vous avez été béni par notre littérature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traduções de nossa literatura em outras línguas. Vossa assistência será muito apreciável.

Se tem encontrado a salvação em Cristo, ou se tem sido abençoado por intermédio da nossa literatura evangélica, faça o favor de nos informar. Pois nos gostaríamos de agradecer a Deus juntamente convosco, e lembrá-lo sempre em nossas orações.

For free Gospel literature, books and tracts in over 538 languages, write to:

Pour obtenir gratuitement de la littérature evangelique, des livres et des traites en plus de 538 langues, ecrivez a:

Para obter gratuitamente a literatura evangelica, livros e folhetos em mais de 538 lnguas diferentes escreva para:

www.angp-hb.co.za

info@angp.co.za

ALL NATIONS GOSPEL PUBLISHERS

P.O. Box 2191

PRETORIA

0001

R.S.A.

A Gospel Literature Mission financed by donations
Une Mission de littérature evangelique financée de
dons
Missao de literatura Evangelica financiada por
donativos

(Reg. No. 1961/001798/08)

The “HEART OF MAN” books can be viewed and downloaded using the following link:

www.angp-hb.co.za